

Kereyti
ya 2



Buka e kgolo ya dipalenyana



basic education
Department:
Basic Education
REPUBLIC OF SOUTH AFRICA

SESO THO

5

Buka



Dipale tse bukeng ena:



1 Baesekele ya Bheki e ntjha

1



2 Pale ya nkgono

19



Tsela ya ho sebedisa Buka e Kgolo ena:

Jwaloka titjhere o tla hloka ho rala le ho etsa tokiso ya mosebetsi wa palo e kopanetsweng le sehlopha sa hao. Ka tlwaelo ha titjhere e etsa palo e kopanetsweng, titjhere e sebetsa le bana bohle, empa ha sehlopha se le seholo haholo, ho molemo ho sebetsa le sehlotshwana kapa karolo ya sehlopha. Ho hlokomelwe ho tiisa ho netefatsa hore bana ba dula mmoho mme ba bona Buka e Kgolo hore ba kgone ho bona se ngotsweng.

Nakong ya palo e kopanetsweng ya Buka e Kgolo bana ba ithuta ho tshwara buka, ho e tshwara ka mokgwa o nepahetseng,, ho phetla maqephe ka mokgwa o nepahetseng. E hodisa tsebo ya sethato ya tsebo ya buka- khabara, bokapele, bokamora le sehlooho. E tataisa le kamoo tsela ya palo e etsahalang ka teng mme e bohlokwa bakeng sa tswelliso pele ya bana ya ho mamela, ho bua, ho bala, ho nahana, le ho rarolla mmoho le bokgoni ba ho ngola bo batlahalang ho CAPS:

- Ho hodisa bokgoni ba ho mamela le ho bua.
- Ho hodisa bokgoni bo hlahellang ba ho bala.
- Ho araba dipotso paleng.
- Ho taka kapa ho tshwantshisa pale.
- Ho sebedisa ditshwantsho ho noha hore pale e bua ka eng.
- Ho sebedisa palo e kopanetsweng e le motheo wa ho ngola ho arolelanwang.

Ho itokisetsa nako ya palo e kopanetsweng

- Netefatsa hore bana bohle ba bona buka. Ha sehlopha sa hao se le seholo, sebetsa le sehlotshwana se senyenyane.
- Ho tla thusa ho emisa buka hore o se e tshware ha o ntse o bala. (Bona ditaelo tsa ho emisa buka khabareng e kamora.)
- Sebedisa rula kapa thupa ho latella mantswe ha o ntse o bala.
- Ha o batla ho bonahatsa mantswe a kgethehileng, o ka sebedisa disitiki nota pela lentswe ho le bonahatsa, kapa wa iketsetsa fensetere ya mejiki'. Sebedisa pampiri e kgutlonne mme e nyenyane e kgutlonne e sehwe mahareng a e kgolo. Nka e kgolo mme o e behe sengolweng hore ho bonahale lentswe le le leng feela.

Mokgahlelo wa pele wa palo e kopanetsweng

Mokgahlelo wa pele o tadimana le ho natefelwa le 'tadimo' ya pele ya sengolwa, mme bana ba fana ka maikutlo a bona ka sengolwa.

- Phetla pale eo ba tlang ho e bala. Bua ka ditshwantsho.
- Kopa bana ba nohe pale ka sehlooho le ditshwantsho.
- Pele ho balwa ba tsebise mantswe a thata paleng.
- Etsa dikarete tsa mantswe ho tsebisa tlotlontswe e ntjha.
- Bala pale, o sebedisa sefahleho le ho phahama ho fapaneng ha lentswe. Sebedisa matsoho le sefahleho.
- Latela mongolo ha o ntse o bala ka ho supa ka rula kapa thupa mantswe hore bana ba bone seo o se balang le ho se amanya le medumo leqepheng. Sena se tla ba thusa le ho bona tsamaiso ya ho bala ho tloha ho le letshehadi ho isa ho le letona le ho tloha hodimo ho leba fatshe.
- Sebedisa sena e le monyetla wa ho ba tsebisa 'puo ya buka' jwaloka: mantswe, polelo, leqephe, mongodi, sehlooho jl.
- Ha bana ba be le seabo paleng ka ho pheta dipolelo tse iphetang(mohlala: "Matha, matha, matha ka lebelo, o ke ke wa ntshwara- ke monna wa borotheo ba kgemere!")
- Pale e le nngwe e balwe makgetlo a mabedi ho isa ho a mararo ho neha bana monyetla wa ho bina mantswe, ho tshwantshisa, le ho bolela pale ka mantswe a bona.

Mokgahlelo wa bobedi wa palo e kopanetsweng

- Mokgahlelong wa bobedi ho sebediswa sengolwa sona se sebedisitsweng pele feela kgateello e le ho baleng mme titjhere e sebedisa dipuisano tse teng ho hodisa tlotlontswe ya kutlwisiso, bokgoni ba ho rarolla le sebopeho sa sengolwa (thuto-puo, matshwao a puo jl)
- Ho ho wena, titjhere ho tlisa bana ho tadimo e shebaneng le tse latelang: kgopolo ya ho ngola,sebopeho sa sengolwa,medumo ya puo, sebopeho sa puo,ditsela tsa ho kgetholla mantswe le kutlwisiso maamong a fapaneng (dipotso tsa puo- phara, ho hlopholla, ho akanya, ho sekaseka le kananelo)

Mokgahlelo wa boraro wa palo e kopanetsweng

- Mokgahlelong wa boraro wa palo e kopanetsweng, bana ba ipalle sengolwa ka bo bona mme ba etse mosebetsi wa molomo, ho etsa le ho ngola ho itshetlehleng sengolweng.
- Moo ho kgonehang, sengolwa sa Palo e Kopanetsweng se lebise ho Ho Ngola ho Kopanetsweng moo titjhere e bontshang ho ngola sengolwa mme bana ba qapa bongodi ba sengolwa ha titjhere e ba tataisa ebile e ngola seo ba se tjhong. Sena se thusa ho lokisetsa bana mosebetsi wa ho ingolla mesebetsi ya bona.




Metswalle yohle ya Bheki e ne e na le dibaesekele.

Bheki o ne a lakatsa eka a ka be a na le yona. O ne a lebella metswalle ya hae ha e palama dibaesekele ho ya sekolong.

"Oo, ekare nkabe ke na le baesekele," Bheki a rialo.





Eitse ha dilemo tsa Bheki
di ba robedi, mmae le
ntatae ba mo rekela
baesekele e kgubedu ya
letsatsi la tswalo.

Bheki o ne a thabile
haholo. "Uu!" a hoeletsa
ke thabo. "Ke kgale ke
ntse ke batla baesekele.
Jwale nka e palama le
metswalle ya ka."





Bheki o ne a thabile
haholo. A qhomela
baesekeleng ya hae e
ntjha, empa a hla a wa
hanghang.

A leka hape, a wa hape,
a wa hangatangata.

Bheki o ne a sa tsebe ho
kganna baesekele.





Joo! Ebe ke tla
etsa jwang?

A sutuletsa baesekele ka phaposing
ya hae. Ya ema pela bethe ya hae.
O ne a e polesha letsatsi le leng le le
leng hore e benye.

Bheki a tadima baesekele. "Ekare
nkabe ke kgona ho e kganna"
a nahana. "Ke tlameha ho loha
leqheka."



“Bheki, boya o tlo kganna le rona,
metswalle ya hae ya mmitša.


“Ke sa polesha baesekele ya ka”
Bheki a rialo.

“Hobaneng o sa
ye ka ntle wa
kganna le
metswalle ya
hao?” mme wa
Bheki a botsa.

“Ke lokisa
hutara” Bheki
a rialo.




Bheki ha a ka a bolella mang kapa
mang lekunutu la hae. O ne a sa
kgone ho kganna baesekele.



Bosiu bo bong le bo bong
Bheki o ne a ya tshimong
mme a leka ho kganna
baesekele ha ho se ya
kgonang ho mmona.

Empa Bheki wa batho a
dulela ho wa a ba a tlala
ho sehwa le mengwapo.





Bosiu bo bong, Jane motswalle
wa hae a mmona a leka ho
kganna baesekele ya hae.
"Bheki!" a mmitisa. "Ere ke
tshware baesekele hore o
kgone ho e kganna."






Jane a tshwara baesekele a matha
ka mora Bheki.

A wa hang, a wa habedi empa a se
ke a hlola a wa hape.

"Ke kgona ho e kganna hantle"
Bheki a hoeletsa.

Ke kgona ho laola
baesekele! Nka kganna!



Bheki a kganna kapele a eketsa lebelo.
Jane a matha ka mora hae.

Yaba o a kganna Scamp e matha pela
hae.

“Hee!” Jane a hoeletsa.

“Hee!” Bheki a hweletsa a kganna
kganyeng ya ngwedi.

Tsatsi le latelang, Bheki a kganna
le metswalle ya hae ho ya sekolong.
O ne a thabisitswe ke hore o ile a
nna a tswela pele a leka.




Ha o sa kgone kgetlo la pele, leka,
leka, leka hape!



Kgalekgale, ke ne ke dula le nkgono
wa ka.



Ho ne ho le bodutu haholo hobane ke
ne ke le ngwana ya mong lapeng.



Nkgono o ne a rata ho bopa dinkgo ka
letsopa.

Ke ne ke mo felehetsa ha a ya
lengopeng. O ne a nyafa letsopa
moo lengopeng.

Letsopa le lefubedu kapa le letsho.
O ne a kopanya
letsopa le metsi.

Mme ebe o bopa
dinkgo.

Ha a qeta o ne a
di beha letsatsing
hore di ome.



Ka le leng la matsatsi ka bopa nkgo ya ka ya letsopa le lefubedu.


Ke ile ka beha nkgo ya ka letsatsing hore e ome. Bosiung boo, ha ke ne ke robetse, pula e ile ya qala ho na. Ha ke tsoha ha ke a ka ka fumana nkgo ya ka. E ne e fetohile seretse, seo ke se fumaneng e ne e le mophula o mofubedu o mathileng ho ya tshimong.



Ke ile ka tlameha ho etsa nkgo e
nngwe. Ke ka moo ke ileng ka ithuta
ho etsa nkgo tse ntle ka teng.



Ho ithuta ka makgetlo ho ruta
hantle!



O amohelwa letotong le bitswang Buka e Kgolo. Buka e Kgolo ena ke karolo ya tse ding tsa Rainbow Series, tse kenyeletsang dibuka-tshebetso, pokello, dibuka tsa dihlopha le diphousetara. Re tshepa hore o tla fumana dipale tsa mefuta tse kenyeleditsweng dipaleng tse robedi tsa Buka e Kgolo kereiting ena, di le bohlokwa ho ruteng ha hao mme le hore bana ba tla natefelwa ke kamano ya bona le palo e kopanetsweng.

CAPS bakeng sa boemo bo qalang e hlakisa Palo e Kopanetsweng e le e nngwe ya dikarolo tsa bohlokwa tsa tsela ya ho bala. Palo e Kopanetsweng hangata e nka nako ya pakeng tsa matsatsi a mabedi le a mane bekeng mme ngwana e mong le e mong a bala sengolwa se le seng. Dibuka-tshebetso le dibuka tsa dihlopha di loketse sepheo sena.

Le ha ho le jwalo, palo e kopanetsweng ho sebediswa Buka e Kgolo e ngotsweng ka ditlhaku tse kgolo ke tsela e ntle ya palo e kopanetsweng hobane bana ba kgona ho bona mantswe le ditshwantsho, mme ba kgona ho latela ha ho ntse ho balwa jwaloka tsela e tlwaelehileng ya ho pheta dipale malapeng. Ho bohlokwa hore bana ba dule pela Buka e Kgolo hore ba bone le ho bala sengolwa. Ditlhaku tse kgolo tsa dibuka tse kgolo di nehelana ka bokgoni ba ho balla bana ba bang ka lentswe le hodimo ka nako e le nngwe ka boiketlo maemong a phutholohileng.

Dibuka tse kgolo letotong lena di tla hlakisa bana tsebong ya dipale tse fapaneng, dithothokiso, diraeme le dipapadi hammoho le tlhahiso le dingolwa tsa ditshwantsho.

Ke boikarabelo ba hao, o le titjhere, ho neha dipale bophelo baneng hore maemo a ho natefelwa le ho thaba a be teng. Tshebediso ya Buka e Kgolo e o neha bokgoni ba ho bopa kamano ya ketso ya ho bala ka tsela e natefelang wena mmoho le bana. Re tshepa hore buka ena e tla o thusa ho etsa sena.





Iketsetse seemisa sa Buka e Kgolo

O tla hloka:

1. Khateboroto e nang le bophara bo lekanang le Buka e Kgolo e butsweng (594 mm) mme bolelel bo be makgetlo a 3 (1360 mm).
2. Masking theipi.
3. Ditlilipi kapa diphekese ho tshwara khateboroto mmoho.

Sebedisa masking theipi ho kopanya dikarolo tsa khateboroto.

Mena khateboroto ho etsa foreimi ya A mme o tsipelle bofatshe le sefahleho mmoho jwaloka ha ho bontshitswe setshwantshong se ka tlaase.



Dikgopolo tse ding tsa ho sebedisa Buka e Kgolo

- Sebedisa polasetiki e hlakileng e le moalo hodima Buka e Kgolo. Ho tla thusa hore bana le titjhere ba ngole hodima polasetiki.
- Ngola hodima moaloo hlakileng ka pene e phumolehang.
- Sebedisa tlelpi e kgolo ho tshwarahanya moalo o hlakileng le buka e kgolo.

ISBN 978-1-4315-3049-6



ISBN 978-1-4315-3049-6

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay

